

ლანჩხუთის მუნიციპალიტეტის საკრებულოს სივრცით-ტერიტორიული
დაგეგმარებისა და ინფრასტრუქტურის კომისიის
სხდომის ოქმი N2

16.02.2022 წ

ქ. ლანჩხუთი

სხდომას ესწრებოდნენ კომისიის წევრები: საკრებულოს სივრცით-ტერიტორიული დაგეგმარებისა და ინფრასტრუქტურის კომისიის თავმჯდომარე გიორგი იმნაიშვილი, ზაზა წულაძე, ელისო ჭიჭინაძე, გიორგი გოგუაძე, ლოლიტა ურუშაძე, ემზარ თევდორაძე, სპარტაკ კვაჭაძე, გივი ცინცაძე, ჯუმბერ ბლაგიძე.

სხდომას არ ესწრებოდნენ კომისიის წევრები: კახა თედორაძე, ემზარ თევდორაძე.

მოწვეული პირი: ლანჩხუთის მუნიციპალიტეტის მერიის ადმინისტრაციული და შესყიდვების სამსახურის ადამიანური რესურსების მართვის განყოფილების უფროსი, ელიკო იმნაძე

სხდომას ესწრებოდნენ: საკრებულოს აპარატის მეოთხე რანგის პირველი კატეგორიის უმცროსი სპეციალისტი ნინო ებრაღიძე საკრებულოს აპარატის მეოთხე რანგის პირველი კატეგორიის უმცროსი სპეციალისტი ცირა ბზეკალავა.

კომისიის თავმჯდომარემ გიორგი იმნაიშვილმა სხდომას გააცნო დღის წესრიგის პროექტი:

1. „ლანჩხუთის მუნიციპალიტეტის საკრებულოს პოლიტიკურ თანამდებობის პირთა და აპარატის მოსამსახურეთა საშტატო ნუსხისა და თანამდებობრივი სარგოს ოდენობების დამტკიცების შესახებ“ ლანჩხუთის მუნიციპალიტეტის საკრებულოს 2018 წლის 18 იანვრის №5 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტის განხილვა.

/მომხსენებელი: გ. იმნაიშვილი/

2. „ლანჩხუთის მუნიციპალიტეტის მერიის თანამდებობის პირთა და სხვა მოსამსახურეთა საშტატო ნუსხისა და თანამდებობრივი სარგოს ოდენობების დამტკიცების შესახებ“ ლანჩხუთის მუნიციპალიტეტის საკრებულოს 2017 წლის 25 დეკემბრის N38 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტის განხილვა.

/მომხსენებელი: გ. იმნაიშვილი/

3. სხვადასხვა

სხდომის თავმჯდომარემ, გიორგი იმნაიშვილმა კენჭი უყარა დღის წესრიგის პროექტს: მომხრე 8 ; წინააღმდეგი არცერთი.

დღის წესრიგის პირველ საკითხზე: „ლანჩხუთის მუნიციპალიტეტის საკრებულოს პოლიტიკურ თანამდებობის პირთა და აპარატის მოსამსახურეთა საშტატო ნუსხისა და თანამდებობრივი სარგოს ოდენობების დამტკიცების შესახებ“ ლანჩხუთის მუნიციპალიტეტის საკრებულოს 2018 წლის 18 იანვრის №5 დადგენილებაში ცვლილების შეტანის თაობაზე ლანჩხუთის მუნიციპალიტეტის საკრებულოს დადგენილების პროექტი შესახებ“ კომისიის თავმჯდომარემ გიორგი იმნაიშვილმა აღნიშნა, რომ

ზოგადი ინფორმაცია დადგენილების შესახებ „ლანჩხუთის მუნიციპალიტეტის საკრებულოს პოლიტიკურ თანამდებობის პირთა და აპარატის მოსამსახურეთა საშტატო ნუსხისა და თანამდებობრივი სარგოს ოდენობებში“ შესატანი ცვლილებები განპირობებულია საქართველოს მთავრობი გადაწყვეტილების საფუძველზე. კერძოდ, პოლიტიკურ თანამდებობის პირთა სახელფასო ანაზღაურება წლების განმავლობაში არ გაზრდილა მათი საქმიანობის დაფასებისა და მოტივაციის გაზრდის მიზნი, მთავრობამ მიიღო გადაწყვეტილება ხელფასების გარკვეული რაოდენობით გაზრდის შესახებ.

აღიშნულიდან გამომდინარე, აუცილებელია ლანჩხუთის მუნიციპალიტეტის საკრებულოში ხელფასების მოწესრიგება. ვინაიდან დადგენილების მისაღებად დაწყებულია ადმინისტრაციული წარმოება, წარმოგიდგენთ „ლანჩხუთის მუნიციპალიტეტის საკრებულოს პოლიტიკური თანამდებობის პირთა და აპარატის მოსამსახურეთა საშტატო ნუსხისა და თანამდებობრივი სარგოს ოდენობების დამტკიცების შესახებ“ ლანჩხუთის მუნიციპალიტეტის საკრებულოს 2018 წლის 18 იანვრის N5 დადგენილებაში ცვლილებების შეტანის თაობაზე“ დადგენილების პროექტს.

დეპუტატმა ჯუმბერ ბლაგიძემ გამოთქვა მოსაზრება, რომ უკვე მესამე მოწვევის საკრებულოს წევრი არის და ყოველთვის მომხრე იყო ხელფასების მატების, მაგრამ იმის გამო, რომ ხელფასების მატება ხორციელდება მხოლოდ მუნიციპალიტეტის მერიაში და საკრებულოში ის დადგენილების პროექტს მხარს ვერ დაუჭერს.

დეპუტატმა გიორგი გოგუაძემ გამოთქვა მოსაზრება, რომ საკითხის განხილვამდე სასურველი იქნებოდა საკრებულოს თანამდებობის პირები რომლებსაც ხელფასები ეზრდებათ შეხვედროდნენ თავიანთ ამომრჩევლებს და მოესმინათ მათი მოსაზრებები. მისთვის გაურკვეველია თუ რატომ აქვს მერის მოადგილეებს საკრებულოს თავმჯდომარის მოადგილეებზე მეტი თანამდებობრივი სარგოს ოდენობები. გასათვალისწინებელია, რომ საკრებულო მერიის მაკონტროლებელი ორგანოა.

კომისიამ მიიღო გადაწყვეტილება: „ლანჩხუთის მუნიციპალიტეტის საკრებულოს პოლიტიკურ თანამდებობის პირთა და აპარატის მოსამსახურეთა საშტატო ნუსხისა და თანამდებობრივი სარგოს ოდენობების დამტკიცების შესახებ“ ლანჩხუთის მუნიციპალიტეტის საკრებულოს 2018 წლის 18 იანვრის №5 დადგენილებაში ცვლილების შეტანის თაობაზე ლანჩხუთის მუნიციპალიტეტის საკრებულოს დადგენილების პროექტი კომისიის წევრების მიერ მიღებულ იქნა შენიშვნების გარეშე.

სხდომის თავმჯდომარემ, გიორგი იმნაიშვილმა კენჭი უყარა დადგენილების პროექტს;

მომხრე: 5 ; წინააღმდეგი: 3 (გიორგი გოგუაძე, გივი ცინცაძე, ჯუმბერ ბლაგიძე).

დღის წესრიგის მეორე საკითხზე: „ლანჩუთის მუნიციპალიტეტის მერიის თანამდებობის პირთა და სხვა მოსამსახურეთა საშტატო ნუსხისა და თანამდებობრივი სარგოს ოდენობების დამტკიცების შესახებ“ ლანჩუთის მუნიციპალიტეტის საკრებულოს 2017 წლის 25 დეკემბრის N38 დადგენილებაში ცვლილების შეტანის თაობაზე“ ლანჩუთის მუნიციპალიტეტის საკრებულოს დადგენილების პროექტი სხდომას გააცნო ლანჩუთის მუნიციპალიტეტის მერიის ადმინისტრაციული და შესყიდვების სამსახურის ადამიანური რესურსების მართვის განყოფილების უფროსმა, ელიკო იმნაძემ აღნიშნა, რომ სახელმწიფო ბიუჯეტის შესახებ კანონის საბაზისო განაკვეთი, შრომის ანაზღაურების, გახდა 1000 ლარიდან 1100 ლარი, „საჯარო დაწესებულებაში შრომის ანაზღაურების შესახებ კანონის“ მე-8 მუხლის შესაბამისად, ცხრილში წარმოდგენილი კოეფიციენტების მიხედვით მოხდა მერიის პროფესიული საჯარო მოხელეების ხელფასის დაანგარიშება რაც წარმოდგენილია საშტატო ნუსხაში. ყველა რანგს მოემატა ხელფასი ისე, რომ რანგებს შორის სხვაობა ზომიერია. მერიის საშტატო ნუსხით არის 86 პროფესიული საჯარო მოხელე რომელთა ხელფასების მატება დროულად მიზანშეწონილია.

დეპუტატმა გიორგი გოგუაძემ აღნიშნა, რომ დღის წესრიგით გათვალისწინებულ საკითხზე ადმინისტრაციული წარმოება არ დაწყებულა, შესაბამისი განკარგულება არ არის მიღებული და გამოდის, რომ პირდაპირ იღებთ შესაბამის დადგენილებას.

ლანჩუთის მუნიციპალიტეტის მერიის ადმინისტრაციული და შესყიდვების სამსახურის ადამიანური რესურსების მართვის განყოფილების უფროსმა, ელიკო იმნაძემ განმარტა, რომ როდესაც საკრებულომ დაიწყო ადმინისტრაციული წარმოება აღნიშნულ საკითხთან დაკავშირებით მერიამ საკრებულოს წარმოდგინა განკარგულების და დადგენილების პროექტების პაკეტი.

კომისიამ მიიღო გადაწყვეტილება: „ლანჩუთის მუნიციპალიტეტის მერიის თანამდებობის პირთა და სხვა მოსამსახურეთა საშტატო ნუსხისა და თანამდებობრივი სარგოს ოდენობების დამტკიცების შესახებ“ ლანჩუთის მუნიციპალიტეტის საკრებულოს 2017 წლის 25 დეკემბრის N38 დადგენილებაში ცვლილების შეტანის თაობაზე“ ლანჩუთის მუნიციპალიტეტის საკრებულოს დადგენილების პროექტი კომისიის წევრების მიერ მიღებულ იქნა შენიშვნების გარეშე.

სხდომის თავმჯდომარემ, გიორგი იმნაიშვილმა კენჭი უყარა დადგენილების პროექტს;

მომხრე: 5 ; წინააღმდეგი: 3 (გიორგი გოგუაძე, გივი ცინცაძე, ჯუმბერ ბლაგიძე)..

სხვადასხვა:

დეპუტატმა ელისო ჭიჭინაძემ აღნიშნა, რომ სოფელ ლესაში დაგეგმილი იყო 1,6 კმ სიგრძის გზის მონაკვეთის მოასფალტება. გაირკვა, რომ აღნიშნული გზის მხოლოდ ნახევარი 800 მეტრი იქნება დაგებული. იგი დაინტერესდა, რატომ შემცირდა დაგეგმილი სამუშაოები.

ელისო ჭიჭინაძემ განაცხადა, რომ სოფელ ლესის ტერიტორიაზე ფერმერები ითხოვენ გზის მოხრეშვას. ფერმერები გამოთქვამენ მზაობას მიიღონ წილობრივი მონაწილეობა.


დეპუტატმა გიორგი გოგუაძემ აღნიშნა, რომ მიმდინარე წლის 15 მარტის საკრებულოს ბიუროს სხდომის ჩატარებამდე, მოწვეულ იქნას მერიის ინფრასტრუქტურის სამსახურის ხელმძღვანელი

და წარმოადგინოს ინფორმაცია შესრულებულ და მიმდინარე სამუშაოებზე. აღნიშნულ სხდომას
სასურველია ესწრებოდეს ლანჩხუთის მუნიციპალიტეტის მერი.

დეპუტატმა ჯუმბერ ბლაგიძემ აღნიშნა, რომ კვლავ გადაუჭრელია ფრაქციის სამუშაო ფართის
უზრუნველყოფის პრობლემა.

ამით კომისიამ მუშაობა დაასრულა.

საკრებულოს სივრცით-ტერიტორიული
დაგეგმარებისა და ინფრასტრუქტურის
კომისიის თავმჯდომარე:



/გიორგი იმნაიშვილი/

ლანჩხუთის მუნიციპალიტეტის საკრებულოს
სივრცით-ტერიტორიული დაგეგმარებისა და ინფრასტრუქტურის
კომისია

2800 ლანჩხუთი, კოსტავას 37 0 494 22 30 19

ლანჩხუთის მუნიციპალიტეტის საკრებულოს სივრცით-ტერიტორიული
დაგეგმარებისა და ინფრასტრუქტურის კომისიის

სხდომის დასკვნა N2

ქ. ლანჩხუთი

16.02.2022 წ.
14.00 საათი

2022 წლის 16 თებერვალს მოწვეული იქნა ლანჩხუთის მუნიციპალიტეტის საკრებულოს
სივრცით-ტერიტორიული დაგეგმარებისა და ინფრასტრუქტურის კომისიის სხდომა.

სხდომამ განიხილა დღის წესრიგით გათვალისწინებული საკითხი:

1. „ლანჩხუთის მუნიციპალიტეტის საკრებულოს პოლიტიკურ თანამდებობის პირთა და
აპარატის მოსამსახურეთა საშტატო ნუსხისა და თანამდებობრივი სარგოს ოდენობების
დამტკიცების შესახებ“ ლანჩხუთის მუნიციპალიტეტის საკრებულოს 2018 წლის 18 იანვრის №5
დადგენილებაში ცვლილების შეტანის თაობაზე ლანჩხუთის მუნიციპალიტეტის საკრებულოს
დადგენილების პროექტის განხილვა.

/მომხსენებელი: გ. იმნაიშვილი/

2. „ლანჩხუთის მუნიციპალიტეტის მერიის თანამდებობის პირთა და სხვა მოსამსახურეთა საშტატო
ნუსხისა და თანამდებობრივი სარგოს ოდენობების დამტკიცების შესახებ“ ლანჩხუთის მუნიციპალიტეტის
საკრებულოს 2017 წლის 25 დეკემბრის N38 დადგენილებაში ცვლილების შეტანის თაობაზე“ ლანჩხუთის
მუნიციპალიტეტის საკრებულოს დადგენილების პროექტის განხილვა.

/მომხსენებელი: გ. იმნაიშვილი/

კომისიამ მიიღო გადაწყვეტილება:

დღის წესრიგის პირველი საკითხი: „ლანჩხუთის მუნიციპალიტეტის საკრებულოს პოლიტიკურ თანამდებობის პირთა და აპარატის მოსამსახურეთა საშტატო ნუსხისა და თანამდებობრივი სარგოს ოდენობების დამტკიცების შესახებ“ ლანჩხუთის მუნიციპალიტეტის საკრებულოს 2018 წლის 18 იანვრის №5 დადგენილებაში ცვლილების შეტანის თაობაზე ლანჩხუთის მუნიციპალიტეტის საკრებულოს დადგენილების პროექტი.

წარმოდგენილი დადგენილების პროექტი შენიშვნების გარეშე გადაეცეს საკრებულოს სხდომას განსახილველად.


დღის წესრიგის მეორე საკითხი: „ლანჩხუთის მუნიციპალიტეტის მერიის თანამდებობის პირთა და სხვა მოსამსახურეთა საშტატო ნუსხისა და თანამდებობრივი სარგოს ოდენობების დამტკიცების შესახებ“ ლანჩხუთის მუნიციპალიტეტის საკრებულოს 2017 წლის 25 დეკემბრის N38 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტი.

წარმოდგენილი განკარგულების პროექტი შენიშვნების გარეშე გადაეცეს საკრებულოს სხდომას განსახილველად.

ლანჩხუთის მუნიციპალიტეტის საკრებულოს

სივრცით-ტერიტორიული დაგეგმარებისა და

ინფრასტრუქტურის კომისიის თავმჯდომარე:



გიორგი იმნაიშვილი

ლანჩხუთის მუნიციპალიტეტის საკრებულოს
 სივრცით - ტერიტორიული დაგეგმარებისა და ინფრასტრუქტურის
 კომისიის სარეგისტრაციო ფურცელი

16.02.2022 წელი
 16:00 საათზე

	სახელი, გვარი	დაწყების დრო	ხელმოწერა
1.	სხდომის თავმჯდომარე გიორგი იმნაიშვილი	15:45	<i>გ. იმნაიშვილი</i>
2.	ემზარ თევდორაძე	—	<i>ს. ი. თევდორაძე</i>
3.	სპარტაკ კვაჭაძე	16:00	<i>ს. კვაჭაძე</i>
4.	ელისო ჭიჭინაძე	16:00	<i>ე. ჭიჭინაძე</i>
5.	კახა თევდორაძე	—	<i>ს. ი. თევდორაძე</i>
6.	ლოლიტა ურუშაძე	16:00	<i>ლ. ურუშაძე</i>
7.	ზაზა წულაძე	15:50	<i>ზ. წულაძე</i>
8.	გიორგი გოგუაძე	16:00	<i>გ. გოგუაძე</i>
9.	გივი ცინცაძე	16:00	<i>გ. ცინცაძე</i>
10.	ჯუმბერ ბლაგიძე	16:00	<i>ჯ. ბლაგიძე</i>